

## Риёзус солиҳийн (болалар учун) / Риёзус солиҳийн (болалар учун) / 85-ҳадис

85 – وَعَنْ عَائِشَةَ رَضِيَ اللَّهُ عَنْهَا، أَنَّ النَّبِيَّ صَلَّى اللَّهُ عَلَيْهِ وَسَلَّمَ قَالَ: «إِذَا نَعَسَ أَحَدُكُمْ فِي الصَّلَاةِ، فَلْيَرْقُدْ حَتَّى يَذْهَبَ عَنْهُ النَّوْمُ، فَإِنَّ أَحَدَكُمْ إِذَا صَلَّى وَهُوَ نَاعِسٌ، لَعَلَّهُ يَذْهَبُ يَسْتَعْفِرُ فَيَسُبُّ نَفْسَهُ». مُتَّفَقٌ عَلَيْهِ.

Оиша розияллоху анҳодан ривоят қилинади:

“Расулulloх соллalloху алайҳи васаллам: **«Агар бирортангизни намоз ўқиётганида мудроқ тутса, то уйқуси тарқалмагунча ухлаб олсин. Эҳтимол, бирингиз мудраган ҳолда намоз ўқиётиб, истиғфор айтаяпман деб ўзини дуоибад қилаётгандир».**

Муттафақун алайҳ.

**Шарҳ:** Аллоҳнинг бандаларига ато қилган неъматини тоқати етмайдиган нарсага таклиф қилмаслигидир. Пайғамбар алайҳиссалом саҳобаларини ва ўзларидан кейинги умматни қуйидаги нарсага йўлламоқдалар: Агар кишининг уйқуси келса, намоз ўқишга туришга қурби етмаса, намозини тўхтатсинда, танаси бироз роҳат олиши учун бироз мизғиб олсин. Намозини қайта ўқиш учун тайёргарлик қилсин. Агар дам олиб бўлгач холи яхшиланса, намозни ўқиб олсин. Чунки уйқу ғолиб келувчи кучдир. Эҳтимол мудраб намоз ўқиганида ўзининг ҳолатини идрок қилолмаслик эҳтимоли бор. Уйқусираб нима деяётганини билмасдан, истиғфор айтаяпман деб ўзини дуоибад қилиб қўйиши мумкин.

### Ҳадисдан ўрганганларимиз

1. Ислом инсоннинг фитрати ва кучини ҳисобга олиб амр қилади.
2. Муслмон киши қаттиқ чарчаган бўлса намоз ўқиши яхши эмас.
3. Ибодатдан мақсад ҳажм ва сон эмас, балки ибодатнинг саҳиҳ -тўғри адо этилиши муҳим.
4. Муслмон киши намоз хусусида Расулulloх с.а.в.нинг таълимотларига эргашади.



HADIS.ISLOM.UZ  
NUBUVVAT MARVARIDLARI